

雨念齋詩文全

共四冊

函念齋文燄

全錄

雨念齋詩文鈔

壬辰秋
栞

雨念齋詩文鈔總目

第一編

詩一百五十七首

第二編

詩一百二十九首

第三編

詩二百九十八首

第四編

詩一百二十五首

第五編

詩一百二十五首

第六編

詩一百五首

句附

第七編

文一十二篇

第八編

文三十篇

第九編

文一十一篇

第十編

劄記五十四條

公一號西汀又號濟庵中朝人詩話

中語及公稱西汀日本刊行善隣集

以濟庵稱之

男 崇五謹識

雨念齋詩文鈔總目

雨念齋詩鈔卷第一

完山李鳳煥聖章

著

男

明五謹校

孫男 晚用復校

題友人扇面

折花臨水共春遊
花落春歸更別愁
君言此去久難見
他日相思看扇頭

題李士賓

喜觀

詩卷

我有古桐絃云是伯牙琴
琴聲不寂寥賴君能知音
一鼓炎月白再鼓江雲深
翩翩雙白鶴忽來舞

中林

玄圃尹子精氏

治輓

錯落文章氣蒼茫山水心古琴遂寂寂玄圃白雲
深

春日尹子厚

昌崖

李士賓同作

踈雨幅中冷心清見道門花枝照念句山翠對忘
言畫舫思仙侶春衫漬酒痕燒香烏几靜同子夢
義軒

楓溪次吳學士

璦

水流叅佛性花落似秦餘
出洞迷歸路黃昏澹靄
初幽香生步步春服樹陰疎
恐失肩壺僕貪看刻石書

北隣

花落讀我書鳥鳴清晝永
出門綠陰合端午山容
靜惜哉無營丘詩以代畫境
雲影過硯池醉寫字不整

游楓溪

慣識楓溪路紅欄自映林
無人山意靜終日水聲

深洗飯逢花落隨雲坐檜陰幽禽還默默與爾共
禪心

游栗島

身是畫中仙不作煙火語依依栗島花默記維舟
處

送南察訪

漢朝

鉅竹相持公事清桃花馬大驛雲明傳聞白集藏
僧板須識前人悔一生

南汝久

有恒

挽

衰世得佳士泯然相許深宜令置晉宋近復學高
岑古玉絕華飾幽花清俗襟衆中常默坐眉宇見
真心

隨爺之嶺外閏月是廻期路長鬼神惡南方醫藥
稀沉淹遂不起才志止於斯水驛一千里生行以
死歸

觸處情塵在悲來悔昔緣生時常好佛死去或爲
仙缺界無良友他家多少年淒涼山水癖收骨嶺
東船

念到若將見回疑翻作悲乍來情世界未竟古文
詞錯落金蘭簿零丁玉雪兒蕭條百歲後我死孰
相思

書感

霜晨回斷夢燈夜集羣悲惻惻空幽淚難忘復易
思

流水歸何處泠泠悲響多青山一春色死木獨無
花

廂月精靈到齋虛夢寐悲琴心空斷絕閨閣失鍾

期文
薄福君何甚純心我不如烟空八年跡淚灑壁間
書

果州

雲雪南充縣蕭蕭我馬黃戒心橋窻窄極目野蒼
茫寒旅無人色遙峯隱日光悠悠杜老子行役好
文章

十九日曉有感

莽莽月何逝依依星暫懸分離俱悵意回顧各茫

然同是不長久何論差後先機緣有如此因果祇堪憐

赤子

赤子填溝壑民飢失性慈勢應難兩保渠豈樂爲斯末世人倫滅凶年國脉悲皇天不均賦室富或無兒

所望

所望不豐侈閒居養子孫一區園種樹百斛稻收困文史傳先業雞豚會比鄰悠悠百年內願作太

平民

題畫

種花臨碧流花落逐流去應有世間人來尋雲起處

南進士

漢宗

挽

有斐壺翁孫詩源有自來弱冠稜稜露鋒鏑公車
衆士多謂才步驟旣云美志尚寔不鄙矯首開元
大曆間東轍陳陳不願似自言濃癖癖於唐抹撥
科場盖坐此曩余獲觀香嶽詩展讀覺非今人辭

匹馬去遊秋冬際霰雪名山清入脾玉潔花澹信
難得山峭澗急時有之又從阿咸得諷傳永州諸
作尤多奇蒼玉屏開飛瀑流太華少華相唱酬擲
地如聞金石響興公詞賦真相侔往日江湖步履
多菰蘆錯落留藻葩直可鴈行玄圃子蒼古不及
清勁過文章有價吾非諛要自悠悠定評在也是
曾藏激楚氣從他世譏傲兀態詩囊日富擔石空
始信窮者詩能工戴恩亭西江水綠圖書几案柴
門窄百年吟嘯庶爲樂直透玲瓏作者域精神勃

勃人如詩骨相何曾有天法苦被天公賦命奇蘭
萎玉折今如斯向從喪次憫柴毀終以衰衣斂身
歸辛勤半世苦心業墳上花開復誰知島窮賀天
自古有只是詩篇流不朽歸拜壺翁講聲律太華
在前阿咸後

蜘蛛

蜘蛛出屋角結網何經營宛轉圓機設幽陰殺勢
生決圍蜂賴勇罹禍蝶緣輕亭毒因何氣狼蛇罪
與并

雜絕

寂寞秋花發溪鳴十二時
天機各盡分非是要人知

兒嬉剝園栗翁媪顏敷腴
自具倫常樂何曾羨士夫

聞香花不見野徑草芊芊
只藉山風力無風香寂然

漫書

不欲遂乾沒清秋每此心
長歌雲不動孤笑月方

臨天地桑東小文章宋後沉三峯僧有約裹飯擬
重尋

南遊雜述

征馬無端道里脩深秋病骨未全瘳貧妻消息寒
花屋情友行裝古驛樓酒店蕭條方有待詩懷搖
落自成愁高雲去鴈俱千里憐爾南征得自由
秋光馬首遠相隨濃或淒神澹亦奇老木聲酣初
浙瀝寒花色正不葳蕤殘霞忽作無端畫孤鴈添
成未了詩不有杜陵師宋王悲懷搖落孰深知

姜察訪柏自湖西來過

騎驢二月到江關經盡南中草色閒客路初花寒
食後故鄉餘柳澹烟間依稀不變恒河水料理相
分太華山且喜奇文依舊好肯嫌衰髯亂餘斑

次趙農谷

載浩韻時農谷喪
兒移居

西河痛誰慰東野淚空紛書舍多蛛網春磯負鷺
羣天時易花木魂氣自煙雲墜緒茫茫遠乾川一
脉文

故宅那堪住遺芳觸眼紛衰周少和氣長吉或仙

羣強作觀梅飲空淒夢羽

亭名

雲平生農老集腸斷

哭崇文

奇士多孤憤春醪未解紛詩書關造物鳥獸忍同
羣天遠愁紅暈洲空見斷雲童烏今不在誰與卒
玄文

挽趙童子

九鎮

來乘何氣去何之衰世宏才天固宜贏得乃翁無
限慟十年虛閱蜃樓奇

風折梗楠國瑞亡聖恩孤負賜書香韓蘇格力

輞川藝空作塵箱夜夜光

呈尹學士心衡寶城任所

官信江南有鯉魚使君身世埜僧如情窮恥寫潮
陽表衙退耽看晦父書梅雨研朱評橘譜竹風聞
鴈攬荷裾怪來歐九談文少吏事夷陵閱簿初

丙舍收歸玉潔身一行爲吏海雲濱孤臣蕙笈離
騷在南紀榴花翡翠馴憑伏丹心清瘴癘爬搔斗
邑寓經綸天涯草似池塘綠官酒詩箋憶弟頻
焚章遇遜每懷慙榮旣非心斥實甘海邑爭如升

粉署君恩不許臥書庵身依朱鳥心懸北氣引
青牛道在南鳴鶴山長花樹遠夢回明月翳江潭
遮莫仙鳬路許長蠡雲千里視清涼可憐骨肉參
商恨叵耐男兒鐵石腸海國山稀臨大野訟庭花
落臥他鄉子規任汝啼斑竹歸夢何曾上玉堂
老圃秋花不愧心寒山讀易是東林珠厓金馬行
藏別錢集朱書感觸深江海一麾南斗近京華千
里北書沉靈均舊頌文章好香橘林中且整襟
地過長沙始欲愁江南萬竹莽脩脩原鵠弱羽違

千里芸蠹奇書鎖一樓可但文心工海外應將學
力進竿頭滄洲詩社空梧月弟子心期間睡鷗
僑廬伏枕邸書稀仙尉行裝杳不知琴鶴蕭蕭雲
共遠江湖漠漠柳空垂向來許上龍門峻千里空
愁鴈字違一片冰心輸寫去海棠花下七篇詩

贐洪叅議

鳳漢

出按湖西

朱紋露網去悠悠意在澄清五十州錦水管來佳
麗地王宸分得聖明憂花前細細成都酒月裏
迢迢庾亮樓目極行塵遠執袂江南烟草使人愁

南國山川滿眼前少年方伯坐如仙銀臺舊步思
雙日玉節新榮許二天自是雲霄儲望久非關雨
露向身偏燭花銷盡觀書夜不用嬌娥錦瑟絃
緩帶風流朱墨場歌謠何限采南方蒼生眉察蠲
春稅青瑣心懸惹御香山堞牙旗依細柳官橋
夜雨濕甘棠寒林紈扇華陽序好把文章挹舊光
承明仙漏夢中多畫閣黃紬曉放衙風草宣來民
俗化雲煙一掃簿書過營閒綠樹聞黃鳥城遠朱
樓俯錦波安得從君旬日飲綺筵高燭酌榴花

燕寢清香畫戟開
文書几閣刃恢恢
春深膏雨南方潤
夜靜高樓北極來
紫翠天浮雞嶽出
煙濤地坼錦江迴
劇知四郡秋巡好
多恐衡山錦信催

雙樹孤城隱碧岑
至今猶說翠華臨
時平鼓角營樓靜
歲遠風雲草木深
宜把繭絲輸保障
寧忘桑土備天陰
知君去歲治南漢
不盡危譙感古心
供帳都門多大車
河橋煙柳映朱裾
檐帷已換楊州鶴
畫舫來看錦水魚
政簡桑疇招父老
仁流几閣用詩書
五雲深處頻回首
誰遣清風誦穆如

訪趙義卿

宜鎮

夜宿

高松不受露翳月起寒陰秋夜虫聲合主人燈影
深客衣江雨在宮樹郭烟尋補網三洲老迢迢勞
我心

白雲臺

如是我聞山瀑響不知無愠木蓮花白雲峯頂天
相近方信風斯在下多

峻級乘元氣層雲盡讓頭初心輕一死絕頂散千
愁海勢虛難盡天文莽獨浮蒼蒼待鸞鶴舉手一

淹留

簡鄭士說

習良

斐几奇書讀未終
懷人散步綠陰中
白門平信遠
微雨黃鳥流音轉
晚風賣屋將成雲
臥計鍊丹新
得水升功迢迢江
月行將滿無負金
波共短蓬

寄李元靈

麟祥

自得元靈氏
龍山幾試筇
如非深契合
未必數過從
至理經箱準
圓機繪墨濃
江霞不可食
何處欲明農

瀕洲茅屋細唯有白鷗來學畫清成癖栽花巧用
才盆荷新出水巖篆已生苔一雨遶藜杖題詩送
釣臺

元靈與李子文

命啓

李景祖

思興

金仲豪

光俊過

良友芒鞋過霽天小桃三四日如年龍洲前月纔
移舍漁網他時可并船道氣也能宣畫癖詩心終
是愛春妍花邊小婢具蔬飯雞犬中林引午烟

病起

病起誰憐戍削容梅龕雲雪意重重其真天下無
良馬只合終身作臥龍燈火有書揩老眼歲時無
酒滌煩胷城南道友稀消息人日題詩寄短封

尹聖任

尚志

宅會洪敬夫

啓謹話

鞋杖看山緩百愁故人書響引登樓微茫草送緣
溪步窈窕雲隨度壑遊庭愛孤花留晚馥牆嫌高
樹翳滄流詩心默默同禪定雨滴梧桐起話頭

黔州道中

長郊去不盡客馬黔州前遙巘青霏合層畦亂水

懸野花能幾日村木偶長年每歲頻行役圖書藏
水邊

有懷

中谷有鳴泉逶迤出長林雄雉去泄泄雜鳥飛且
吟埜色暝蒼然悵望愁余心長歌宣不平曲盡有
餘音瑤徽清可弄甘醴湛可斟祇在崇明德何用
悲古今

衆人營小利生死惟朝市幽人在中邱見者惟樵
子長歌紫芝曲不附青雲士煙霞結性靈絕跡千

嶂裏寒泉清不食白雲無心起自知已云足何必
求知已不見抱玉人自銜遭別趾簡冊自可親聖
言粲萬理黃精充我餌林臥觀無始

徐察訪

文永輓

落拓功名抵白頭中州咨奏幾刪修丞治松竹客
姑去兒併麒麟翁不憂南郭隱來天籟靜景陽歸
後世緣休童顏道氣瞻如昨君子頤生絕伎求
王考酬公鑷白篇小孫猶記捧花牋蜀州人日空
遺墨龐老襄陽獨大年南極星寒迴紫氣金華雪

盡起新阡雞豬酒麵人間世符到方行是地仙
大兒撰杖小兒扶八十金剛天下無東喚永郎談
海屋醉飄華髮倚毗盧題名父子三蘓蹟了債乾
坤五嶽圖無怪一宵成坐化向來公已蛻塵軀

送李亞使

河述之關東

磨雲奇崛妙香高一前年筆勢豪關路連天星
馬再毗盧插雪鐵絲牢毒龍噴瀑幽鱗鬣青鶴留
巢颺毳毛奇絕茲遊吾不得憑君舉手謝仙曹
春州生長外家庄桑梓微風晝錦香猶有十年烟

墨跡翻驚一路福星光
丈夫得力詩書內
遊子傷心父老鄉
且向關東收舉子
應思茲地趁槐黃

感懷

壯洞每惻惻孺人家在茲
存亡空歲月
魂夢舊簾帷
貌遠深思現
情悲獨臥知
如今過宅址
淚灑故林枝

寄趙義卿兄弟

二陵木落白雲虛
古寺臨江鐘磬疎
講說鵝湖兄及弟
光陰方朔歲之餘
冰澌久隔三洲信
佛火長

明一束書應怪吾人遲赴約西城十里滯寒驢

贈演師

騎驢四月到深山花雨逢僧亂石間經譯初傳南

慧授

師之師定慧
嶺南名僧

禪蹤多住北庵寬木蓮初發巖

泉滴繡佛新安法衆閒珍重顛師知道理留衣舊
信詎相慳

大普洞

驢下層城倦雲蘿冉冉過三峯隨不已白雨勢無
多烟已村中翳樵猶木末歌遲徊問甫谷蚕婦隔

荒坡

曹溪瀑

洞勢呀然石扇橫飛流屢折亂花生遙遙噴壑還
相失灑灑翻雲始作聲幽木承風空舞影高巖積
翠不藏清公孫虛閣餘荒礎鳴到危梁駐舊情

會趙持卿

維鎮宅

煙庭細草一床深只許滄洲舊客尋落落參商三
月別依依燈火百年心夾城御苑松杉肅過雨
空牆薜荔侵霽後輕驟須一出江鷗不散待君吟

疇申亞亮四章

道不能安貧文不能逐貧貧是士常何
用諱貧亦何用不諱貧見申子詠貧四
章如方痛人聞同病者痛聲尤自覺其
痛真所謂人言愁我始欲愁也

祇有破硯今無田可耕寒衣未授今促織何爲鳴
富室擾擾今日出事還作林有病鶴今爲嚇爾戢
翼

經史子集今何用滿爾床何用爾冰清玉潔何用

爾錦心繡腸使有洛陽田二頃兮是爾極樂鄉

無地埋憂兮憂來與山積瑣兮尾兮流離之跡無
妻無子兮上有老親百里負米兮彼何人

寒花自苦兮誰教爾獨立苦竹自貞兮莫教風霜
折若出金石兮曾氏之歌我思古人兮柰命何

題扇送士說

永保亭前花發時江南畫舫共君期十分明月潮

千頃去讀吾家太史詩

先祖體素公詩
板在永保亭

題壁

京洛緇塵鬢欲絲一年三秀感靈芝杜陵衣食多
爲累蔡氏圖書欲寄誰莫往莫來當面過何思何
慮玩心知春山色動前宵雨萬壑冰霜亦一時

哀金烈婦

婦德不外著閨闈蘊幽靜不幸以節顯重爲世道
幸中壘訪衆芳彤管至今炳成烈諒非一處死貴
安整刀經或倉卒荼堇匪俄頃天常旣心得日遠
猶躬秉雍容求合意之死心方逞光干日月皦氣
盤霜露冷我誅金烈婦持爲簪珥警

烈婦生京國一何皎且潔猗歟忠貞孫展也粹孝
姪李家父子義趙氏夫婦節俱爲世所欽寔是婦
自出內外見源流少小秉端一窈窕友君子禮容
映琴瑟鳴珮拜尊章知氣盈一室庶言相好述福
履綏元吉佳緣中訣絕天道復何說

庚申夫子病心知病不起籲天願代命神明胡愬
視跼地默自矢九原庶從子婦性夫亦知臨死慮
同死君無遂偏性替余養天只一殉諒所當末音
柰盈耳須臾且無死電勉從義理長跪承糜粥收

哭勸姑氏上爲姑氏養下爲夫子祀

柔顏侍阿姑宛如夫在時忍茲決烈性少延歲月
遲匪欲永求生妾死自有期生當姑氏依死當夫
子隨生死各有分心心兩不衰姑食與姑寢一一
躬親之三百六十日霜雪內自持哀哀六時哭血
淚墮垂垂成言庶幾踐九原其有知

不病死猶祈有病生敢圖妾死固有時夫祥亦已
逾乳巖勢危惡護之色不渝不令阿姑知惟慮病
或蘇阿姑晚時驚爾何恬如無且暫歸父家庶便

醫藥扶姑命非不承誰爲養阿姑父家非不便誰
爲祭亡夫苟得心所安不知痛肌膚

死期中自知飾巾甘就泯端爲養阿姑久矣爲柔
韌今歸縱所快姑恩酬未盡冥冥近脩夜從夫庶
含哂惻惻望高堂念姑涕猶隕來生庶終養此理
或憑準因果苟再結苦心當一脗聞者豈解悲妾
心料一隕腦有可諱疾闇肆誰能診

歛衣必象生遺語何縷縷持身必小學嗣子宜銘
取恐傷至慈懷不忍邀其父阿父摧中腸襲時哭

以撫汝何諱其腦我謂汝死乳乳病生所聞腦腫
死始睹死腦非死乳刀圭有何補爾節一何艱爾
心一何苦

卓哉金烈婦於古亦罕見疾痛所煎灼勇夫色或
變時月所推遷至情或易倦經權互炯炯始終心
一片之死忍痛楚剛腸逾百鍊清芬灑濁世豈非
聳一縣御史奏其烈旌褒庶下遍誰爲掌東觀宜
以光史傳風聲近何如義烈屬一媛

和金晉卿

履坤

滄江舊約未全闌
城郭相尋春雪寒
一任街鍾風外度
獨留樓月夜深看
高鴻得氣那能駐
勁檣叅空不肯盤
梅樹與人同老大
乾坤莽蕩只愁端

與晉卿兄弟及諸人泛舟三湖

晴雲擊汰管絃隨
春遠江湖萬綠滋
波底天光樓欲動
海門霞氣日同垂
孤村偏蔭麗朝木
絕壁爭高翠老詩
港口回舟空悵望
柳間分手立移時
傲吏風流白鳥知
竹樓諸弟併能詩
孤舟四月蒼茫下
二水三山應接奇
落日潮生楊子渡
上游雲

入六臣祠野人巾服容疎懶舊事漢陂同此時

送高山守

千花相送別春城脩竹江南太守清題牒黃堂初
散鷺倚樓晴日獨聞鶯枌榆祥氣瞻隣界山水高
情喜邑名知子爲官同句漏丹砂消息問羅生
柳暎河橋澹綠觴春雲不礙葉鳬翔使君白皙新
黃綬名邑蒼茫半赤裳圖籍肯教侵簿牒經綸不
廢課農桑相思兩地懸明月莫惜郵筒翰墨香

與晉卿會竹里

春雲江自動皓月客同來邂逅空洲夕蒼茫古木
臺梅花且無奈鴻鴈一悠哉易識柴門徑頻逢竹
里杯

清節祠

梅月祠前瀑水哀蒼崖勢與亂藤回丹青剝落禪
珠在風雨陰森客馬來奇士東方甘蕨食諸公當
日自雲臺石林鐘磬深深去憇處棠花映夕盃

王流瀑

聖殿鬱岩嶢王流是名瀑攜僧石林寺喜爾山路

熟况兹夏月初萬翠交雲木入洞石始壯山氣凝
相蓄蒼厓劃一開雷雪駭耳目雲根展三級皓勢
盈中谷風湍臥相噴萬珠光迸蹙山雨不可留明
日佇盥沐懸雲致驢馬夜借禪龕宿晨興下石門
舊徑循松榭飛流灑如昨亂沫挹巾服滙處成澄
綠奇紋漾晴縠飛光散雲日餘響戛琴筑靈山貯
秀氣洋溢有滲漉游人偶一來絕境付麝鹿自與
塵土遠下流空洄洑惆悵別重蘿山迥啼布穀

鄭判書

益河輓

元祐完名老不渝三朝雨露荷沾濡滄桑舊夢空
臺省霄漢新班入畫圖黃髮無憊觀國脉紫衣扶
拜醉宮壺汾陽不辨兒孫數每日頷來彩服趨
君子多膺視履祥曇花將發桂初香薇垣霜氣飛
傳簡楓嶽雲光繞憇棠卿月猶存儒素態神仙能
遠是非塲仁宗所養今彫落衰世空悲殄瘁章
先叔經帷立雪身幾年良誨式書紳山林麗澤關
吾道衣鉢傳心托後人箋註紛羅談易舍冠童飄
拂浴沂春南方異日宏儒傳一體高名配不淪

金元帥瀚輓

精忠柳樹古深河奕世東方大將家
令肅旌旗殊氣色時清雨露溢繁華
兵書燒燭朱門夜駿馬嘶春紫陌花
王國虎臣辛趙傳異時良史贊如何
眉端俊彩儼難忘早歲情深射御場
銘骨成言同患難出身酬國徼恩光
營連雲鳥方分閫匣閔蛟龍一斷腸
旌翼春山悲部曲戟門花草爲誰香

城西

山木歸鴉細城雲騎馬昏故人方讀禮
稚子併關

門雨雪仲冬節梅華何處村文章今古意燈火且
相論

元靈直所

騎驢何所之北麓多楓樹公庭落葉圖潑墨煩癡
顧

陽平君檣輓

振振公家葛藟親仁城宗祀潔春蘋金臺五過勤
勞慣玉樹三摧涕淚頻寶玦朝天香滿袖高樓置
酒月留賓汝陽風采東平樂官號分明二字均

江樓

晴川芳草過崔生多少樓臺騎馬情終日帆聲來
莽蒼有時禽影戲空明芳樽澹澹鶯啼院官柳深
深雨隱城仲說文章那可得海門雲壁至今橫

古井

井漂苟不食豈與無井異汲作千家用天一見真
智夜華澹盈科晝綆紛有事昏叩靡不獲鄒聖得
此義

次錦平都尉賜几杖宴韻

三百年來兩尉榮
禮官宣賜五雲平
烏皮好遣中堂穩
鳩影長依皓髮明
法樂初分疑鳳曲
御詩隨下憂龍聲
天留一老仙平地
祈壽樽深北斗橫

題畫

修竹千竿隔幾家
春山無數野花涯
林端小雨無情緒
落盡梧桐滿院花

鳥聲山路重重木
花影寺門濺濺溪
偶得歸僧相與語
不知身到白雲西

煙翠遙分隔水扉
樵漁同載野航歸
夕陽一半江

南畫無數蟬聲在柳磯

飛瀑鳴終日青蘿不可攀
抱琴知有友倚杖更看
山翠壁高雲起丹楓白
塔寒何時松竹徑身在
畫

圖間

潯陽柳色武陵花終日柴門映綠波
最憐脩竹通幽徑應有妻兒聽櫂歌

錢塘江上柳如煙水遠山長意渺然
送客虛亭歸隱几雙帆已在夕陽邊

西塞山前張志和綠蓑青箬雨聲多
蒼蒼不辨江

橋路柳暗燈深第幾家

詩未成時琴不援高松多意蔭空樽小僮睡在平
岡上夢裏鬪花綠樹村

送人赴燕

通州文錦漾朝霞象譯今年搖手過
明王儉德
傳殊域一段寧踰鴨水涯

秋懷信筆

靜思仕宦趣不及閒在廬紗帽乘駑馬碌碌何所
如

忍饑讀古書自治苦不早頭顱行可知時粧詎解
掃

尚此徇微祿誰諒非素心徒然靈芝什每年秋一
吟

久作長安人江漢遙相望游魚與高鳥秋至一惆
悵

崔士謙

益男

病所有歌妓琴師在傍

藥裹何須問名心卽病根煙花紛滿陌絲竹悄關
門客馬聞流水山禽和永言踏青期已過南麓負

吾園

春日直廬喜鄭尹兩生至

官冷春無事天雲吹素襟
不辭騎馬遠稍慰閉門
深雨郭皆花氣風池半柳陰
芳華繞鬢髮猶作少年心

差祭 獻陵

昔聞 太宗雨今受 獻陵香
羊馬秋苔潤松杉
夕翠長衣冠霜露地簡冊
日星光沐浴生纖月玄
雲與渺茫

春往道峯士賓未偕溪上潦草寄示

不見前脩洞壑深空留香火寄中林雲溪盡日花
千片春院無人松十尋他夜樓中多霽月斜暉天
際欲輕陰出山逾識浮天勢且莫虛瞻萬丈岑

春山花落講堂開空翠交翻衆壑回霽月喬松前
輩遠白雲流水後人來君民堯舜空齋恨道學程
朱不免猜塵土十年成底事朗吟飛下舞雩臺

空山俎豆洞天深漠漠青蘿風滿林夜宿高樓還
六載春攜數客此重尋一川萬石雲相盪歸馬飛

花日易陰靈氣盤空那可狎詠歸門外看青岑
水石玲瓏花草迷孤亭春坐有鶯啼華陽筆勢飛
泉北義相臺名碧嶂西景是雲霞多異彩人歸鞍
馬各分蹊劇知佳境長如此自是同人未易攜
紫霧初褰花氣深孤亭窈窕隱青林皎如冰玉山
將墮插在藤蘿寺可尋怒瀑終應成錦浪高雲不
欲入春陰精神蘊蓄空清裏小品終輸萬二岑
紅綠交相映春山似武夷遙懷南礪友未共中林
期花落鳥啼處水流雲起時日斜吾亦返勝事只

心知

直廬

微官寧救餓只使素心違
公館吏相對山樓花盡
飛塵中逢道侶架上愧朝衣
且待棲玄子晴簾看
奕歸

屑屑塵埃事迢迢魚鳥情
雨叅宗廟祀花失道
峯行獄吏東方賤仙書白髮生
猶憐南麓色簾外
劇分明

五朝御墨

蒼蒼齋
記見

虹光夜夜起書厨鳳翥鸞迴五聖書安得仁宗

飛白記秋花盥手愧歐蘇

孝廟御帖

深山窮谷百年悲松柏寧陵秋又歸一部春秋
無地讀獨攀宸墨淚盈衣

金生書

何寺傾來佛腹虛

金生書多得之古寺佛腹

泥金細字梵經餘

東人不見昌林碣題跋徒憑孟頫書

子昂有題新羅金生書昌

林寺碑跋

耘谷詩史草

紅頭亂後國漸非鄭氏同年心九疑

紅頭賊及鄭同年傳皆耘

谷詩中語

枉道子孫焚舊藁前年猶得數行詩

谷傳耘

多忌諱子孫焚之盡主人又示數行詩草云於昨歲得之

成

忠文三問

李

忠簡壇

金

忠翼宗瑞

贈安平大君詩

安平文彩犧雞尾成李推揚亦昧機下幅試看金

大虎

金時人稱之為大虎

禍根何待癸年知

聽松書六臣傳草

毫端霜氣抗秋旻看到成翁寫六臣應許阿兒惟

洗硯聽松堂靜四無人

松江詩草

精神華嶽見金天詩對寒梅聽杜鵑

梅花子規郎詩中語人

欲殺之思欲見滿庭梨月一天仙

鵲溪相晚年病卧忽曰若見李

涵吾病可差其子曰這人何必見答曰昔與季涵相識月夜訪之見梨花滿庭季涵扶醉而出風神真一天仙也今安得見之

韓石峯渡與許筠書

書辭太倨石峯老端甫猶容貧賤驕風氣于今那

得見令人三歎 穆陵朝

趙子昂桐下空階卷

綠疊階桐松雪堂冬青何處杜鵑傷管姬磨墨論

波折香襲貂裘筆勢長

文敏夫人管姬亦解書畫

虞伯生佛偈八分

元季文章一道園毫芒漢隸法端妍裘皮壓雪猶

無死可道曾書此偈緣

元主累伯生於牛皮埋之積雪中而不死

城西夜飲

友人小院雨深處京洛季冬梅發時邂逅人生聊
復爾蒼茫世事只如茲高江滿眼今無屋孤燭搖

簾且賦詩何日白雲同結社古松流水斂殘碁

桐湖與元子承

繼孫

共賦

樓臺江水舊遊悲歲歲梅華微雪時月裏冰灘時
自響水邊喬木上無枝漁人赤鯉寒燈細野友春
醪北斗遲每患高城多袞袞復看窮臘日垂垂

農谷夜會次三淵韻

晚出青郊俗事除野樵遙識侍郎廬蒼松送馬溪
西路白飯留人月上初雲遠蓬萊遠黼黻燈深風
雪玩圖書冷官只博梅花笑舊跡滄洲僅覺虛

酬贈別韻呈錦伯趙損齋

農谷
一號

高樓畫燭夜同分
漢上歸驂拂曙雲
十日清樽空自憶
三秋尺素罕相聞
丹丘旌節黃花後
錦水烟霞白鴈羣
紫閣峯西惆悵久
觀風明月付成君
滄洲詩社許平分
往事悲歡隔水雲
邀致天涯官馬健
淹留樓上雨蟬聞
浙東意氣憐窮識
庾令風流絕俗羣
只有啣恩無所報
寒花朵朵隱思君
玉節秋巡左路分
丹丘明月島潭雲
名山煙翠晨行見
惡峽風灘夜坐聞
外地心懸青瑣闥
向時緣

熟白鷗羣青娥磨墨官膠細應寫花箋和鄭君
事業文章志不分經綸黼黻屬青雲世臣休戚宜
深念君子行藏已熟聞從古高碁無動着于今名
論孰超羣白鷹舊什空三復縱欲歸田柰聖君

白門夜酬子文

高江騎馬散寒暉城郭蒼蒼煙火微明月欲新梅
已遠春雲不靜鴈同歸故人酒食頻經過衰世文
章亦是非只遣漁梁虛柳嶼舊遊那得僅蓑衣

湖上

隔嶺居相近孤筇每暝天星河低萬木樓閣隱重
煙燈影名山記榔聲下渚船楓溪人有約梅月幾
時懸

喬木秋冬後寒江日夜波浮生頻悵望高月一婆
娑雪岸翻樓影燈船渺棹歌天風吹偶立搖落二
毛多

客去

江水寒猶去梅花澹欲遲孤燈送客後微雪讀書
時宿鳥常依侶潛魚不上絲幽居無曆日記事有

新詩

王蒲洞

已知苔壑晚涼生多少斜暉滿意清窈窕無人雲
送影蒼茫終日瀑飛聲松根迸裂青厓落蘿翠交
流白雨輕盛夏長林堪入畫憑誰潑墨寫詩情

別李寢郎

金氣迢迢始向寒夜山無翠只嶮岼霜花半吐如
相惜杉月高翻不礙看遙鴈只應隨冷熱百蟲誰
復辨愁歡蕭晨一任驪江闊隨意書樓北斗闌

奉酬東里

攻文斐何用求道浩無涯入洛乾坤窄依湖日月
賒聲光宜自葆徑路不會斜擊節歌初放咬根餐
欲加相從生客少獨坐古書多飲酒陶元亮觀心
陳白沙風流猶滿目今古各名家不著高碁靜爭
鳴衆鳥譁頤生窮本草閱世笑空花松籟山窻夜
優哉絕外誇

贈鄭生

君家路易識橋北柳成陰雞犬柴門靜圖書茅屋

深窮途對菊飲晚計採芝心他日如相訪滄江黃
葉林

士說過

尋君草玄宅虛閣有雲垂吟久燒香盡村遙買酒
遲寒雞鳴水舍缺月上梅枝簫響何幽遠江長倚
雪吹

雨念齋集詩鈔卷第一

雨念齋集詩鈔卷第二

完山李鳳煥聖章 著

男 明五謹校

孫男 晚用復校

和李功甫

之子不有言有言必成章
光晶起毫墨應接誠未遑
想當覃思際異彩浮清揚
虛心叅古人不信時代長
激勸窮愁子提挈文騷場
自余處畸俗雅道悲淪亡
衆人自有嚮六鑿交相攘
趨走諒不利長裾珮玉鏘
感子獨見賞欣愧未承當
宿昔信書多

望古神昂昂先民遺話言不隨其人亡況此生九
夷何論舍則藏結廬見江山高歌自非狂有玉祗
見別不堪持獻王沉埋固所甘憂戚未全忘飄蓬
無定止永辭水一方塵埃太玄經風雪古錦囊流
落遽如此朋舊各相望聞子志著述三載掩茆堂
秋晨叩其門揖我謂我臧偉論愜愜新聞快若解
縵意到決詞源萬怪紛駭惶斯文信有人墜緒不
可亡玲瓏隱身壺高峻避世牆聲氣偶感召豐鐘
殷天霜寒城逼窮陰臘梅吹繁香有酒且醅我一

詠嚼一觴古調須自愛季世喜折楊起余苟相許
吾不慙爲商且令假羽翰豈辭凌風翔

訪士說夜宿

故人茅舍郭西遙牢落青霞隱市朝枸杞酒濃春
製藥薜蘿衣古夜吹簫頻研朱墨評仙籙時賞梅
花到野橋聲氣自通江海外牛岡微雪有寒樵

與子文雨坐

穀雨林鸚早江臯綠望平孤村澹省事遙翠翳難
名花壑通雲晦春檣遞柳行漁家鰕菜好苔雪往

來輕

古人或賦落花而皆未能曲盡情態元靈
以爲曾見沈石田集有賦落花詩其力
量殆不可及云而竟未知果何如也春
序已晏滿庭皆花吾輩皆失意之人愁
慨不自定偶然酬唱各成幾篇抑未知
最失意境得最得意詩否也

盡美衰相現渝光裊始愁神傷僮掃徑詩悔客憑
樓過水縈魚呬和泥慣燕謀蝶來疑昨宿香所翳

難求

清暉晞更薄春望澹相違徑蘚承紅萎
臯煙接白微亭臺幽乍顯香色泯同歸
寂寞今如此遊蜂嗅到稀

先飛遑恤後餘寄只茫然敗兆非關雨
殊姿自短年遊絲迎不住故樹礙仍懸
袞袞隣妍醜悠揚井溷邊

氣色凌凌近水臺早飄知爲最先開
零星附樹那長久迢遞乘風謾往來
細雨蜘蛛偶然得夕陽蝴

蝶等閒迴深深苔徑難爲抱始信春娥背立哀
猶意支撐數日看曉枝空影不會闌後來薪積如
相藉隣勢唇亡可耐寒堆處蟲沙仍並化餘存鶯
燕又啣殘五陵年少愁何數難慰風人寂寞欄

三月十九日與損齋及義卿子文舜舉諸
人游三湖亭子仍送義卿移家之行

榔聲鳴緩緩高閣已雲間漁火微生浦林烟半失
山風埃明日別洲渚一樽閒未害村無月江光引
暝還

葦魚作鱠小樽清呂氏亭前信櫓聲百塔雲煙生

對語

時損齋說靈源百塔之勝

青潭水石約同行春星欲動人

歸院村火微明靄近城他日琴書吾獨住江湖滿地少逢迎

次錦平尉壽席韻

魯殿靈光百歲存秦樓舊曲四朝恩香生綵服

庭闈舞花老蟠桃雨露痕齊賀仙韶頒玉陛仍迴

北斗替金樽春城月出羣公醉銀燭光多畫戟門

三洲與持卿觀落梅仍送洪舜舉之春州

剪燭祈梅壽書樓酒夜賒餘葩猶賴晚癡影獨憐
斜香自留三日春應與百花參寒坐惆悵雞唱已
漁家

聚散雖非幻羅浮夢不賒移樽香澹澹留客雨斜
斜行李昭陽雪精神昨夜花出關知子少華髮宿
誰家

發程

關帝祠前驛路長雪雲南去向蒼蒼那堪天水相
連處却望萊州是故鄉

鳥嶺

初登鳥嶺險逾覺獺川悲
劒閣終難恃淮陰誤作
奇崢嶸羞疊嶂倉卒化千師
金節通雲棧風泉咽
入詩

雲峽東南峻風杉日夜寒
將乘千里海不怕萬重
山造化煩奇壯關防仗鬱蟠
悠悠杜老子鞍馬蜀
秦間

聞慶

鳥道穿雲僕御愁萬峯
闌盡散南州千里却忘鞍

馬倦夜燒高燭記龍湫

征馬虺頽鳥嶺前仲冬南國遠遊篇
泉聲滿谷排雲過松翠浮空冒雪穿
莽蕩行裝鯨海闊蒼茫信
息鴈書傳中原以北俱平地橫盡千岑始惘然

永川朝陽閣

天涯快閣暢羈懷十二金釵緩緩杯
今古朱欄橫自在東南荒野劃中開
歌聲宛轉雲初駐劒氣盤旋雪驟來
水遠山長心萬里蕭晨鞍馬不禁催

西倉風雪

亂山風雪客何之
脩竹家家晝掩扉
北方送盡高秋鴈
一一皆從馬首飛

忠烈祠

南風紫氣至今浮
海日迢迢客下樓
密竹高松山路細
古祠來謁宋萊州

釜山

萊城畫角迥相聞
脩竹荒壇吊毅魂
冬柏花邊千頃海
荻鳥飛處異鄉雲
羈遊服飾愁緇染
童習文章媿白紛
惆悵北書踰嶺少
釜山明月缺三分

賓日軒

譙樓饒吹馬蕭蕭列島冥濛瘴氣饒只有滄溟平
地盡仰看明月故鄉遙朱欄是處燒蘭燭黃帽何
時理桂橈旅次縹箱初整頓天涯贏得讀書宵

海雲臺

兩儀排蕩勢相凌百谷齊奔積氣蒸蜃市遙從青
岸轉鯨波時作白烟升祗今方士猶疑藥從古純
陰不見冰萬里茫然歸一瞬馬州何待錦帆乘

次霄字

北書遶疊巘南雨濕青霄勢迫煙垂海聲淒竹入
宵帆檣通國信詩禮折蠻驕萬里蓬桑志平看烏
道遙

次花字

旗幟釜山夕風濤瘴雨斜將壇交竹影客館畫梅
花高鴈頻欹枕千山不見家蒼茫沒雲頂來夜俯
金鴉

沒雲臺

松深惟覺翠濤聞臺迥方令積水分裂盡東南平

地軸翻開日月混天文青連鮫錦蒸成霧紅隱鰐
旗閃吐雲坐躡金鰲還失笑腐儒壓倒漢秦君

太宗臺

蒼茫眼力四無邊戍削巖根插翠煙雲氣晝生鮫
鰐窟松聲春入海山絃萍浮地極齊州勢羽化身
輕一日緣羅代荒陵誰復問臺名只遣閱千年

賜讌

風動簪花日漾輝霞觴不厭九回飛平看江戶三
千里啣得君恩去復歸

東南賓主溢光輝
畫棟龍蛇影欲飛
一涉滄溟無此酒
花籌齊限夜深歸

君恩隨處藹春輝
正月千花蛺蝶飛
應憶去年仁政殿
拜傾霞醞退朝歸

雕筵綵閣眩相輝
銀罍花盤次第飛
豈昧東南民力竭
聖恩偏念涉危歸

將軍戎服爛雲輝
下瀨樓船旆影飛
時清領得周王命
一勞皇華四牡歸

烏紗花影爛交輝
海上春雲繞筆飛
身在青娥歌

曲裏幾時容易遇風歸

黃昌劒氣閃寒輝吹作雙虹一道飛安得舞翻鮫
鰐窟東南剪盡海雲歸

仰面秋波不轉輝綵毬輕逐翠衫飛明珠一擲能
如意始整花翹撒手歸

五服爛斑各象輝雞林異蹟逐烟飛也應求得騎
龍手黃木灣頭鼓舞歸

小妓三吹羽笠輝凌波帆影夾龍飛黃衫左右撐
篙惡齊祝滄溟一瞬歸

漁陽三曲日輝輝
皓腕朱袍運若飛
誰向聲聲思壯士
蠻船載盡國蓼歸

天水將開鏡裏輝
六鰲咸伏大鵬飛
約束一行齊致潔
永嘉來日祭神歸

祭海

剛日著龜協玄雲
沆瀣長設壇排帟
幕遵海駐帆檣
齊祝扶搖力吹從
艮坎方牽牛明候
夜顧兔暎如霜
蘭沐清承珮香
煙翳近牀精誠三
勺潔儀注十籩
詳倏翕光相蕩
連蜷儼在傍
神颺紛颯沓靈

雨逗淋浪牲薦娛神保旄紛降大荒東皇雲在下
南斗夜分央神貺蜚廉勢王靈鳩舌鄉飈輪來莽
蕩缶簋格穹蒼芬苾知無斃波瀾會不揚晨帆影
島柏夕纜馬州篁百怪齊啣命羣船利涉洋蒼茫
曉神意安穩整仙裝船燭沉玄幣臺霞澹醑觴安
流淨可拭靈隲剡難忘祀典追黃木神詞擢錦腸
南昌輕一瞬霞鷺入飛艍

粧船

紫瀾升曉旭黃帽喜天風萬里精神注六船心力

同乾坤浮禹鑿柁檝仰軒功白鵠青絲竿金螭赤
貝宮如非錦纜迅那度雪山崇用汝方凌遠泠然
欲馭空鵬圖憑舳艫鷁羽象旌幢汎欲通牛斗噓
應荷蜚豐襦袂儲有素丹臚眩相通巧想工倕費
機將造化融裝縫非造次綈紱占平隆有是容空
洞真能溯混濛霞霓迷錦幅日月滿雕櫳浩蕩浮
槎老飄飄採藥童路迷千載後風蹕一帆中禹鼎
齊翻汞蕩符穩躡虹慈航普渡闊絳節析津窮國
信煩裝載神恩望始終浮洋只堪哂下蜀一何雄

安得操舟手拯民鴨水東

吹打

鯨潮倏辟易鵬雲半穿破
驪龍擺牢睡抱珠臥不
妄齊道三韓使饒歌試畫舸
繁音列絲革迭奏無
不可初吹海旭升瀾紋漾六
柁潮音合天籟莊生
齊物我前拍劃崩豁後節飄
裊娜二吹海颶揚囉
噴紛相和氣亘虹蜺徹聲撒
雨雹簌悠揚笛欲先
蹈厲鼓振左三吹海霄廓八
極齊頓挫齋淪萬象
沸鏜鞳五音大禹瀾紫漲闊
艮岑青浮麼揚聲散

列嶼一一春鴈拖初作積水愁復爲祥飈賀節合
文舞緩聲激武亂坐中曲蕩景鐘餘響逗碩果且
浮槎節迥未作凱音播憤咽鯨鯢驕恨掣支祈鎖
徒聞皮幣去一任枹鼓臥

上船

青雀黃龍軸金虬黑鯨浪乘此欲何之義嶠渺入
望青邱幅員極絳霄團在上羅帕粲瑤函龍亭森
羽仗晴雲護筏橋彤旭熏柁帳沈寥虹霓褰鳳顙
魚龍仰前導安寶書後躡升使相繁吹辟陽侯鼗

鼓泛瀏亮島瞻羅后陟臺望權侯初日已穀早差
波又錦紋漾皇華耀歸墟吉氣蒸溟漲蛟宮洞鏡
面萬寶森庫藏坤倪蕩圓毬天寶溢昭曠篙師手
眼齊夷險炯不忘憑舷若無思暗察風頭颺三砲
次第動六船同所向蠻人候中洋駢首搖漆舫百
怪競來媵香火見冥貺滿眼青玻瓈旛纛勢東抗
試洋固夕迈離岸猶惆悵

三使臣

明都朱鳥殷銀漢福星會漢節錦石山周詩玄紳

帶利器別盤錯奇文耀珠貝睿簡知無踰專對夙
所解怵惕辭丹幃聯翩飛錦蓋茲行幕前脩僑札
邦其賴礪冰圃老著矢節秋翁最龍吟誓海文月
滿投金瀨梅花想清操風浪任征旆蠻情喜閃忽
禮物馴狡獪文難用羽舞武豈平喙駝匪忘九世
讎奈彼荒服外律身秋霜潔柔遠春陽藹豚魚佇
孚信鮫鰐不須駭觀瀾俯八紘放筆掀萬籟斐亶
七襄紋鮫錦映彩靄憑依寵靈去檐閣風沙害祭
洋靈蜿蜿含詔鳳翩翩歸夢繞日下望闕情何奈

男兒千里淚更爲 二陵灑

幕賓

武曲星齊曜山西氣間有升平踰百年武庫戈甲
朽句陳蒼蒼暮誰酬國恩厚且戢虎豹威要懼魚
龍走紅韎耀羽箴金鞘搖星斗羽調臨江曲金勺
扶風酒服飾粲成列鞭弭五分部光寵騎天駟資
望儲細柳匪惟嫺弓劍寔能鳴琳玖笑檢盈箱篇
方知滯槎久盟山誓海句快語無前後飛艍泛茫
洋目極馬島右豪情攬鵬翅偉幹鎮鷁首扶桑可

掛殼繁弱彈在手飛騰燕頤食璀璨驪珠剖鯨濤
少安流虎韜愧礪叟蒼茫宣靖陵志士懷悲忸陰
雨豈忘備麟雲莫虛負緬矢投筆人志在虎穴取
拔劒斬赤虬利涉其无咎

三僚

江筆生花處洋瀾作硯時鼎分誰定霸篋刮幸逢
醫吟自八义慣氣無三鼓衰心空雪樓廩日短劒
南卑入幕齊膺選從桴各爲誰看書官燭燼灑墨
海雲滋梅蘂霜添鬢菱花日減肌尋碑子城近聞

竹午眠宜風水文章渙樓臺歌管隨才難較陸海
窮不泣楊歧飛鷺滕王閣鳴鸛韋左司去程滄海
檝歸夢故山芝金薤從零落魚龍自護持酒澆知
硯磊飯顆問清羸空北霜蹄逸圖南雲翼垂冷風
憑浩蕩平地笑欽崎北望橫春嶂東臨盪赤曦草
搴徐福採桑攬浣花遺觀水難爲大揮毫一吐奇
旗亭第一曲空遣異邦知

譯士

漢譯習中華清譯習女直年年赴燕薊金貂豐餽

食勞哉公等職南之鳩舌國周旋鱗介間備嘗蛟
龍逼金冠錦條帶葳蕤盛服飾乘傳一千里理柁
望炎極責諭館中倭冠蓋紛如織臨機折狡猾飭
躬戒饗墨守信惜分寸隨事同胷臆彼巧雖百出
訥察豈難測口角見瀾翻情僞暗鈎得擔荷一行
事瞽相與鳥翼千尋海幽潛九折山崩劣蠻情險
如此睨眴分氣色自古交隣機多從辭令識使臣
體尊重儀度固莊默亶藉不爛舌颺言費心力周
官重象鞮聲教暨殊域通文館中志疎漏可添刻

勉修金石條流譽赤岸側

技藝

海國揚聲教風帆不日掛那無絕技藝伴此遠行
邁蓼朮儲梁籠文武隨趙价毫墨弄萬象天機爛
書畫華扁授真訣藥物問仙界鳳管洋滿耳驟舞
眩盈眦選此國中能去侈日南話裝嚴登萬里頽
脫簡一个專門操妙技隨手心不懈神劑儘對症
頃刻沉痾快絃動瓠巴魚筆勁索靖蠆壁龍不點
睛恐教風雨敗輕身倏超距不恤啣楸戒當其臻

三昧巧納須彌芥承蜩信手熟盤磚靈心屈人工
適造化真宰劇愁殺齊誇小華盛不爲遠人賣活
命念同胞賈勇驚百怪曲滌南音哇筆戲東溟隘
寧無趙咨語解使葛羅拜

舟子

南征都委爾涓日泛黃雲誇水凌河伯乘潮渺伍
員毫釐爭進退性命人平分齊嫺波濤勢元非口
耳聞船旗海飈正神鼓祭香熏朱鳥分宵影蟠桃
指岸芬周旋非一智伸縮各成羣履歷雲生處範

圍日出漬中流入極盪南戒百靈紛掛席從心快
撐篙用力勤撓笳輕碧浪箕畢慣玄文鮫府宵聞
織鰲頭曉望氛披虹躡南斗澆酒禮東君風御莊
言寓槎浮漢史云萍溟歸蕩括跬步遞憂欣用壯
排天竇神閒越地垠束心齊馬馭隨手颺鸞翮木
道攸行渙川功用濟殷崇朝辭故國異域未斜曛
上水花溪歎黃頭第一勲

倭人

斑斕文氊服飄揚白莞帆雕闌粧板屋綃帕裹藤

函禿髻猿猱捷飛艚首尾啣船船迎節至箇箇致
誠咸繡鞞雙鞘劒金紋五兩繆語難分鳩舌行不
畏蛟饒國壤隣魚鱉興亡隔楚凡秦風餘慘刻蠻
性巧機絨圖漏職方按政歸關伯監鴉騰觀霧盪
舶趨信風颭茶果調宜蔗螺螯採慣巖躔分南斗
曜路正鬱陵杉銀貨長碕盛冰霜富岳巉全經灰
刼漏宗利劒紋劓獨特洋溟阻憑誰種落芟聖
朝孚遠信妖祲息狂汜蛇刼平前釁鴟音格至誠
其民鳥獸穢厥土海濱醎列屋魚鱗錯環區瘴雨

雲濡毫記詭俗蠻府惱青衫

開洋

遠遊擇良日神蠻利攸濟金支舞葳蕤錦纜牽溶
滴彩虹繞國書王虬導玄幣放開咫尺勢擊汰空
明際故國寄北垞層浪連南柅匝雲簫鼓響憑空
柁樓制敦彼東鄰好一任篙師藝八埒迷萬頃百
斛輕一毳冠劍賁寵光囉噴紛新製扶桑若可覲
靄雲侵羽袂東南缺半面馬州窺螺髻微風錦紋
纈碕島秋毫細飄飄愜仙賞虛明悟佛諦飛船扈

絳節蠻服羅斑罽難爲石頭泊虛負士雅誓南北
馬牛風灰燼龍蛇歲革面悔舊惡腆騁紆新惠徒
齎敵國糧嶺米年年繼卽竹博望槎絮幣賈生涕
默默啣寵靈惟憂風水滯

還泊

煙暉倒空碧雲檝溯瀛滄王事還濡滯天風負渺
茫鐃歌歸響緩蘭杜夕期張又此停冠蓋徒然備
糗糒檣烏流遠影官駟攬歸韁回望千波合留連
幾月強灼龜虛簡日颭旆只徵祥旌纛紛成返魚

龍導暫忙惹珠愁滯泊枸醬渺通牂朝暮釜山見
雲霞海市藏繫痕留港纜游氣濕春裳澹月初弦
影歸潮積水陽竹深游子夢椒潔海神襍依舊難
離岸憑誰卜出疆殊方換翠莢何日到扶桑舊步
愁驢踏遐心羨鳥翔客星猶故國黃帽獨虛航夜
燭分官路春笳隱女牆遲遲三宿意漠漠遠遊章
只作閒沿溯長洲草又芳

自述

阿兒夢長安阿母夢滄海髣髴前宵覲言笑藹舞

綵南廂列圖史松牖湛月彩堂萱憂可蠲陔蘭馨
可採海竹吹如雨魂寤愁更倍孤雲影不揚春嶠
橫崑崙晨墀香火潔朝纜旌旛載褰蓬指對馬螺
石浮磊砢行將蹕天風沆瀣窮積滙南萸翠葉新
北訊歸翼給玄波祝利涉秋杍期方迨那堪橘柚
中春徂夏又改鬱鬱玄裝松東枝影相對不遑藝
黍稷原草行每每迢遙四大海昕夕雪山皀王
靈遠亦暨行役庶無殆衣珮爲誰姣薄藝增愆悔
身不慣風濤學難卞亥亥長纓請何用彩筆虛相

浼多慙母子燕响响樂自在

開洋分韻沒咸字

炎極坤維盪天根水脉醎仙槎迷漢泛靈藥渺秦
芟烏兔機相幹鯤鵬語近詁觀瀾真有術縱葦不
盈鑑蕩滴千神護朝宗百谷咸蜃嘘銀闕湧鯨噴
雪山巉破浪思宗慙飛湖笑呂岳飄飄浮錦纜肅
穆奉瑤函蠻貊將孚信豚魚佇格誠舌翻通象譯
身羽幻仙凡天象分朱鳥夷情獲狡兔慎儀瞻鳥
几出語戒金緘材鉅須商楫衷貞戒召碧桑蓬四

方矢撞節九溟艤翠岸治檣筏璇風望橘机詩書
嗤漢賈韜略邁唐城板屋隣鼉吼柁樓落燕喃黃
陂臨汪汪孟泰想巖巖心拱紫宸遠名期赤岸鼉
試船南斗近盟海祝融監吉日燒香苾神颺颺畫
繆羣靈驚鼓舞高旭漲濛汜白轉嘉臺堞青浮影
島杉王靈行辟颺海氣渺成雲伊軋長年慣鎬
轟畫鼓僂飛船能遠護酋命認新銜錦絕霞紋纈
蓼憂壑慾饒啁啾驚鳩舌斑駁駭蠻衫壯氣空看
劒妖氛未掃欃蛇年懷劫燼鳥嶺失潼岫祇有含

冰苦寧憂載蕙讒攀綸憑彩鷁指路信獰麇光耀
紛相引涓流不讓澆窮桑豈遺恨蘊玉不須械寶
日義駢整支機織手搯鰲愁盪任釣犀燭炯溫鑑
珠履叨賓席鉛刀愧試礪漭洋桑劫遠鏜鞳石鐘
風綵筆紆江夢黃精憶杜鑱螭龍明月影誰伴北
歸帆

又分韻

青瀾浩瀾紅暎漲柁樓錦旗霞紋漾蕙肴蘭烝禮
東皇醖蘂蘂沉幣受靈貺少試平洋踐吉日挨櫓開

帆風力旺六船齊發永嘉港三韓地極空明上綵
虹光垂紫泥函金鮫鬣動黃帽唱板屋十二彩牖
開簫管左右聲瀏亮銀汞潏湧琉璃鋪乾端搖蕩
迷色相神功指點太宗臺絕頂彷彿五雲颺絳節
錦衫飄婀娜玄圃咸池迥相望蠻人護行飛艤子
卉服陸離紛殊狀豚魚孚信豈不休龍蛇構怨俾
可忘島嶼環轉東南缺一眉浮青馬州嶂海底明
月想風神千年不見齊倜儻彩筆未博倚天劒男
兒虛踏萬里浪

同舍齋言金卷二
千本松

溜雨參霄各不干
交柯連理好誰看
尋常匝地孤根迸
千億分身一氣寒
僅老龍鱗蒼蘚積
齊棲鶴夢疊雲盤
天風萬竅收澎湃
永夜濤聲百折灘

富士山次英長老

帝圃珣玕淑氣賒
北躔玄武不勝遮
滄溟舞影三千里
浩劫高懸一朵花

箱根嶺次翠巖

炎束叢霄蹙潭回
積翠紛蛇盤勢彌
秀龍臥氣交

熏遮斷東南海橫垂日夜雲乾坤滿江戶重嶺此
平分

次芝林

黃錦袈裟綵帳間折蘆行色度銀山東院燒香留
弟子白雲深處掩禪關

煙波打鼓畫船行天際山橫不計程青棕粉屋桃
花岸又作春燈幾夜情

贈越緝

人在金鰲頂上行玄關咫尺見重城樓臺霸氣同

吳會山海悲歌得越生異域衣冠分手易先王禮
樂照心明神交他日如相憶風馬尻輪到漢城

贈葦田惇敘

東都坐席尚聞香南浦離歌更掇芳詩似天花飄
佛舍情踰潮水過潯陽雲蟬乍歇高松靜海月初
升畫角長萬里神情憑一夢此生無計再扶桑

富士山

東行萬里始看山殺盡溟湍白亘寰墜粉蓮房今
古影亢龍乾竇斗牛間天雲有限難全掩海月時

行不自閒欲把團辭提挈去咸池軒樂韻相關
六十六州一氣奔化工精魄費辛勤太陰流液元
非雪積塊褰空半是雲白皴高將荷葉覆靈光囿
作佛頭分澤山方識交涵象神瀛源成北海云
東排滄海積根來帝座相通獨壯哉絕頂龍吹銀
漢倒渾身霜滿白蓮開雲霓蓄氣憑臍泄日月跳
光睨柱冕安得層霄飛插翅盪胸決眦朗吟回
剛風千仞白跼跼湧現東溟佛一軀皓雪長浮孤
日避青天相盪萬雲扶氣清猶賴蟠根壯勢亢方

成絕物孤五嶽初應齊血脉飛來偏自鎮仙區
乾坤漏洩氣漫漫海國爲山儘覺難獨自高明基
博厚絕無隣倖作援攀排雲坐見東溟細冒雪身
知太古寒北顧應存兼挹勢金剛奇拔白頭蟠

光清寺

畫船衫影拂晴峯松徑蘿陰度幾重蠻寺無煙寒
食近佛花垂地午雲濃飛樓插翠平看鳥哀竹憑
空不定龍積雨棕林愁昨夜等閒相望只春鍾

西山寺

龍子尋常蹴霧回
紫瀾南注翠厓開
鍾鳴古寺烟隨散
花滿殊方雨細來
萬里踏青愁節序
半空浮白見樓臺
梔棕漠漠蠻醪薄
蒲博無歡琴笛哀
舟泊重溟岸始生
春留蠻寺若爲情
覓泉斜注僧烟細
梯屋層開雨粉明
絳節相隨通板郭
苔碑一讀記萊城
迢迢萬里懷漁伴
漢水桃花擢自橫
僧梵春潮應仙磯
錦石支青山開鷁
首白浪散鯨鬣
蠻簑銀粧摺瓶花
雨灑滋孤懷吟越
葛綜纜爲誰維

晨花依島嶼春朔遞千支萬象浮沉影羣龍出沒
髻銀山何處綠時物不勝滋的的無邊海風檣絕
地維

蠻館移衾佛火清春愁朝暮漢陽城穿花燕濕誰
家宿隔竹鐘深獨夜生南渡星辰常隱雨北歸鴻
鴈不須晴孤舟翰墨關王事滄海書能記姓名
寺花春滯雨港舶曉乘潮有路通槎影無人贈柳
條橋欄排竹整旗纛舞風驕南麥穗方吐田園意
轉遙

高照山十景

麗旭欲離海落月澹生曉春帆隱如夢浦花有翔
鳥雲沙莽不分松翠猶了了
宮碕春曉

秋山東近海絕頂先受月寒杉蕩金波魚鳥齊悅
惚桂子驚嶺夜藻影承天刹
分杉秋月

欲知欹時影還從湧處照彤暈射百道六龍卻倒
耀萬象森一半餘彩委仙嶠
柰多返照

石門眩相蕩霽天奪雙虹勢徹雲衢迥光翻海市
紅變滅在須臾方知色是空
竈門垂虹

罾罟各有所夜漁惟信火聚散分遠近明滅知小
大彷彿閭門泊江楓霜月墮

藍島漁火

珠璣果布湊東西南北舟未見此洲虛坐集無時
休吳檣含楚柁漠漠風波愁

馬頭泊舟

巒皺遞晦明朝暮吐仙靄濛濛不作雨木石靈蔚
薈雞聲與人語罩遍大都會

福岡香靄

煙巒幻幾疊層嵐蒸成翠芙蓉浮空碧濃淡各隨
意晚風吹無痕山靈信劇戲

白岳疊翠

金龍勢拔地寒門朶皓雪琪花工琢鏤雲石連澄

澈較看濟南詩天半映奇絕

金龍晴雪

人煙洩棕橘半岸冥濛雨商楫滯不發洲光互吞
吐愁雲連鷄嶺幽竹翳千古

博多煙雨

次元靈見寄韻

絕垠相逢李二郎沒雲海雲觀瀛滄喬松日隱紫
瀾光冬柏風吹朱蘂香下臨大壑積森茫鯨噴蜃
噓鮫錦煌金針正南分越裳黃耆白雉天地荒
風蕩磨神鬼梁卉服蕃滋男女航聖武南耀憶神
皇神功不讓疏懷襄世劫飄翻神惋傷浮生有酒

臨玄洋榮名貌人年紀忙萊樓紫氣悲國殤子有
文章攬肺腸黃琮玄瑀鳴琅琅奇藻遐想渺東方
志欲耕牧河山陽青溟作池青天長墨花灑亂陽
侯藏何不去掇三島芳獨騎瘦馬萬嶺霜南枝越
鳥鳴彷徨何由羨他徑歸鄉憑君吉語報北堂風
利兒歸毋勿傷

將壇

荷衫隨意上烟臯萬里傷春有薄醪海戍晴笳吹
鴈盡皇朝戰碣出松高鄉心迸作花前淚筆力誰

凌雪色濤回想漢南漁釣侶綠蘋明月漾寒篙

次使相韻

白鳥春浮分獨夜錦旗風轉問長年孤城只在煙
深處遠浪偏高月出邊千里看花空有淚六船明
燭各無眠來時同發中州使應已征車返自燕

過朴仁則

敬行

寓次

春燈非故里鳴竹爲誰幽家信雲中鴈 王程日
本舟將爲萬里客先作上元遊夜月杉西崦登臨
只積憂

日月扶桑大蛟龍水府幽渺然臨絕岸此去有孤
舟粉堞憑春望金波慰旅遊微君歛澁酒那滌百
年憂

過子文寓次

天末同爲客春宵過不稀孤雲風滿海青竹月臨
扉旅酌三更燭官姬萬里衣太宗臺岌業明日賦
詩歸

春生淹水岸夜過似江關海月浮青壁京雲滯亂
山鴻歸人日後鴉入子城間紫閣今年菊花開我

始還

釜山別金克讓歸洛

江湖乞畫已經年，忽謾相逢大海前。
雲際松杉臨影島，月中歌管在樓船。
北山喬木難成蔭，南國浮萍偶作緣。
滿眼青瀾隨手幻，世間何處不桑田。
瘦馬雲山不可留，上元看月記扁舟。
石郊春雨明燈坐，畫出萊城始欲愁。

上元泛前洋

金輪一道碧瀾長，灝氣東南積渺茫。
下燭鮫宮停

錦杼橫垂桂影近牙樯玄霄縹緲憑仙腋大地空
明蕩佛光京洛茲辰多樂事廣通橋上幾人觴
宛在中央積氣長上元明月海茫茫孤輪大界千
枝桂一粟重溟百尺檣玉兔惟應聞笛響驪龍不
敢吐珠光紗籠又下銀橋去南國傳柑有綠觴

次翠巖長老

山似青螭著水濱魚吹花氣故薰人高僧隔面詩
猶到遠客傷春雨太頻畫舫桐紋分別島石門椒
醕賽何神浮萍偶漾空明界三秀靈香意獨親

青邱錦纜紫瀾東
蓮社明珠板屋中
獨抱雲箋人不見
等閒花鳥倚春風

水月禪心錦繡才
三生慧業叅如來
笑摘扶桑五色繭
奇紋隱映金銀臺
窮源海客偶相遭
赤岸畫檣春徘徊
山河大地佛性同
落花飛鳥天機中
蒲團幾時許揮塵
三炎詞源談不窮
儒禪賓主汗漫遊
在水中央候天風

西舫東船錦浪間
百靈相送度三山
碧桃花下人家出
鼉吼蛟吟揔不關

天海相爭日月行
雨帆強半滯雲程
金盤笑見鯨魚膾
多少三山震蕩情

孤蓬霧雨抱春痾
逐水浮花落更多
看奕題詩圖畫裏
烏紗一頂岸我我

花雲渾一氣春纜
紫厓長故園山幾
點亭午夢微茫

花近三春佩雲停
萬里桅篙工曉相
報晚霽有風來

日覺桃花少春隨
風雨深欲知身近
遠南斗近人

襟

異域傷花鳥煙暉侵積波支頤思故國春睡入無何

琶湖四時冬詞分景

萬物歸根水骨堅梅香松翠潏無邊有時風雪翻
洲渚人在冰壺夜不眠

雪

木石埋連魚鳥愁同雲一色散寒洲梅花絕岸無
尋處曉起漁人白滿舟

晴嵐

野馬游絲渺不分
蒸虛深翠淨氤氲
津亭一半晨煙氣
容易同歸化霽雲

赤間關席上次韻

彩雲東指沈寥天
簫鼓聲中使者船
孔雀屏開移枕處
蟠桃花落駐帆邊
鮫綃百幅題詩滿
鸚語三春出谷翩
映座明珠光箇箇
扶桑文獻足才賢

綏山

身在烟濤莽蕩邊
上關樓閣記賓筵
方壺旅夢迷

青嶂松菊歸心載畫船詩似落花隨水到書憑歸
鴈遞雲傳何由再接再綏山子笙鶴天風一渺然

中山

海色迷天地歸帆雲與孤雪泥印鴻爪盤淚報鮫
珠郢曲誰賡者臨臯問樂乎丹邱仍羽客隨處汝
南壺

子文寓次

三十年前信使舟星霜荏苒幾人留靈光獨有青
泉老殊俗猶傳白雪樓眼底恒河波不皺雲端華

表鶴來遊蓬萊彩筆濡無地芳草晴川在上頭

和穎川

一任微風吹葛冠
柁樓吟望水雲寬
蠻舟遠信燈相識
海月餘光角欲殘
天迴星辰分野換
夜深鷗鷺羽毛寒
不知明日依何岸
故國山川夢亦難
皓釋袈裟午磬深
水流雲住客來尋
松根絡石苔俱潤
橘岸通橋日已陰
花葉佛供元淨教
茗茶賓禮亦禪林
忽思華嶽披春薜
閔漬庵前盡意吟
層疊樓臺紫岸斜
海雲深處佛燈遮
蠻燈隱隱春

迷竹佛磬微微夜出花百粵遠來憑彩鷁三韓分
照信金鴉眼中吾尚依山屋夢裏君應近渚家

過子文寓次

紗籠引上女牆斜南雪初融見歲華絕岸春聲聞
海竹六旗風候滯仙槎奇功萬曆松連碣旅髮孤
城月滿笳送盡歸鴻頻悵望家書幾夜占燈花
海岸人家篁竹斜日東征客鬢毛華山河影滿婆
娑桂星漢津連莽蕩槎北度春雲人異鴈南臨白
堞夜聞笳憐君半世風流債旅舍燈前一朶花

同舍公孫言金卷二
弼雲陪趙損齋看花

春山翠近尚書衣時有幽禽懶不飛
散出千花城澹澹分開片雨日輝輝
百年雅俗應相半一壑風流偶不違
宛洛濛濛車馬外題詩記勝亦云稀
宮杉搖曳艮岑輝城勢平分柳半圍
多少樓臺俱杳靄尋常筇屐盡春衣
誰令一雨花如此且對芳樽醉不歸
江漢十年詩滿篋祇今清夢繞漁磯

除夕前一日與李生同賦

徂歲同憐梅欲稀出琴燈下鼓微微
雪中橋細驢

能辨風便林高鵲遞飛長物於人惟竹葉浮生從此舊荷衣靈心慧識隨年減信筆終歸杜德機
槐樹之西藥肆東君騎驢子斷橋通無人澹澹梅
相傍有雪蕭蕭夜向中燈影婆娑先守歲籀文剝
落尚屏風題詩近似寒山子拈起天花色色同

竹西夜集

蟬始鳴時僊坐聽重來銀杏葉交零天街騎馬無
端雨林閣移樽不定星雲入高鴻飄遠白竹翻涼
露倚長青西風祇是催斑鬢落月何心又半庭

廣津泛月宿松坡

蟬送歸舟曳遠清月橫秋岸暑初輕徘徊牛斗金
波闊滴瀝蒹葭玉露明何限樓臺迷樹影無端風
雨訝灘聲津亭曉起分南北山郭熹微粉堞生

廣津

長松繫馬此江濱旣望秋遊又屬春樓遠只容依
澗谷月遲相與數星辰山川回合煙通野雲木參
差雪近人且買虛舟橫自在圖書千軸慰清貧
溪陂東去峽雲移春草亭西夜望奇樓入松聲搖

積石月收江勢過寒池冰壺清引樽開後風佩微
聞雪盡時花藥菟裘消節序百年丘壑只心知


蕉研齋酬沈伯修念祖


樓臺東岸勢交危積翠遊絲晚更吹燕子不高春
雨裏城陰偏曠落花時盆梅紫葉殊寒馥壺酒青
絲訝遠遲惆悵白頭芳樹下少年行樂一題詩
薔薇花出柳垂扉永夕書樓澹忘歸日本硯開薰
酒氣東陽園近翳花暉春山翠濕仍成雨黃鳥聲
深不見飛祗是天機無住著邇來三月在家稀

內資署

曾是元靈署依然秋滿山斜陽無限白去鳥不勝
閒城堞丹楓裏宮祠翠柏間高雲隨散跡灑墨澹
忘還

雨念齋詩鈔卷第二





新金剛

一